

[Nomen] W* 150

Anonym, c.1500?, hochdt.? (sas.?)
papier, 23 fol.
Köln, Hist. Archiv

[1v]	recept.
[2r-8r]	dlhý meč.
[10v-12r]	zápas.
[13r-17r]	tesák.
[16v]	dýka.
[20v]	oštep.
[21v]	palica.

| – riadkovanie

[1r] prázdna.

[1v] Salamonias 1 loitt
Wijßs victoriale 2 loitt
Spanisgraen 2 loyt
Salpeter 2 loytt
Seyr nach anderhalpf so vyll sylbers
als goltz

[2r] Hyr hebet sich aen der text vnd zedell ym lan | gen sweerd Zom eersten mach gudt
bossenn vnd | streck dy arm fry wastü dan fichts das wapentsich.

Item dy.V.hewe vernym also, den ouer hewe | van der rechter achselin myt langer snyden vnd
| mach bossen myt dem lincken voysz des glichen | yst aüch der linck ouer hewe mach bossen
myt | dem rechten voysz vnd hawe myt der langen | snyden durch ym deen kopf ym stortz:-

Item hewe veder vmb durch ym den kopf yn schylt | vnd vidder vmb durch ym den kopf yn
stortz, vnd | lech das swert vff den rüch laysz esz syncken | vff dy rechten syten Keer den
knoüff gegen den | man vnd den ort hynder vsz so komstü yn den | rechten myttel hewe Hewe
vür ewech vmb | den kopf yn den lincken myttel hewe, vmd vid | der vmb yn den kopf yn dy
rechte weschel myt | der langenn snyden nydder myt der kortzen snydenn [2v] vff vmb den
kopf yn den lincken weschell. das | synt dy.V.hewe dy eyn yckelicher leren sail der | anders
recht fechten wil:-

Item hyr volgt nach der text vnd gloysz dar na | man hewen sael.

Item nach deser figuren sall man hewen, alle hewe | durch das gesicht mit gestreckten armen
vnd mach | güt bossen yn allen dyngen so mach dir nyt misselige.

[3r] Item hyr nach volget der zedell des langenn | swerts wastü starck wils dryben das fecht
myt | gantzem lebe beyd vnden vnd obenn dy zwei dyng | dryb starck das will ich lobenn.

Item erschrecks dū gern keyn fechten nummer en lern, | Wer fechten will der sall haben eyne hertz alsz eyne | lewe vnd sall al so scharpf seen alsz eyne Valck | vnd sall also behende syn alsz eyne Vogel.

Item dy vyer bloyß ym swerd vernym also, dy zwo | oüer bloyß am häupt dy ander zwo vnderbloyß | zo beyden syten vnder deen armen.

Item dy veyr leger vernym al so lege das swert | vff dy rechte aschel vnd setz dyn lipf yn wage myt | guden bossen des glychen yst auch der lynck oüer | leger stell den rechten voyß vür.

Das rechte vnder leger vernym also stell den lync | ken voyß vür vnd leye das swert myt dem geholtz [3v] Vff das rechte beyne den ort dem man gegent das | gesicht, des glich yst auch der linck vnder leger ke- | er das swert denn ort dem mann gegen das gesicht.

Item dy vyer an bynde ym swert vernym also | bynde ym an myt der kortzen snyden an dy lincken | oüer bloyß trydt vort vnd byndt ym myt der lan- | gen snyden an dy rechte oüer bloyß tryt vort | vnd slage ym nach der lyncken vnder bloyß myt | der kortzen snyden vnd tryt vort vnd slage ym | nach der rechten vnder bloyß myt der flech.

Item eyne stück heyst der flogel bynde ym oüen mit | der kortzen snyden vnd slage ym nach der rech- | ten vnder bloyß mit langer snyden vnd bald myt | der kortzen nach der oüer bloyß vnd hewe dūrch | van dem man yn das lyncke vnder leger.

Item eyne stück heyst das verzocking do als wül- [4r] stū ym recht anbinden vnd byndt ym lincks an vnd | do als wülstū ym lyncks an bynden vnd bynde ym | rechts an vnd hewe dich starck myt der langen sny | den van dem man yn den lyncken vnder leger so bist | tū nicht bloyß zo vinden.

Item eyne stück heyst der dūrch weschell. fry van | beyden syten so machs dū des mans woel beyden | vnd hewe myt schryden fry van eyner bloyß zo | der andern so machs frolich wandern.

Item eyne stück dy yser porte geheysen. lege dich yn | das lynck vnder leger vnd layß den ort synckenn | vff dy erde vnd hewe den flogell vnd strych vß der | rechten syten vür yn schylt vnd vß der lincker | syten widder vff yn stortz so komstū vß der ysern | porten yn den gassen | hewe.

Item eyne stück heyst der plück den plück vernym [4v] also wendt vß dem rechten leger yn den lincken | vnd vß dem lincken widder yn rechten so sichstū | was der man vff dych dryben will ader strycht | her dū kanß ym brechenn.

Item eyne stück heyst der olber. den olber vernym | also kere den ort yn dy lücht vnd halt den schilt | vür den kopf was der man slecht van dach das | kan man dar myt brechenn:-

Item eyne stück heyst der schilder. den schilder ver | nym also schyl lincks vnd slach rechts, vnd schil | rechst vnd slach lincks. so verüerß dū den man | mit dem gesicht des frewet her sych nycht.

Item eyne stück heyst der scheller. den scheller ver | nym also schelle eyne mael.zwei.dry. vidder syme clyngen so machst dū yn bloyß vynden:-

Item eyne stück heyst der verkerer. den verkerer [5r] vernym also lech dyn swert vür den kopf.layß den | ort hinder nidder sincken vnd kerre yn vff dy recht | syten vnd vff dy lincken flücks van eyner zo^{der} ander | so kan er sich vür dyr nyt hüden so machs dū yn | gare balde bloyß vynden so yst der verkerer gerecht:-

Item eyn stück heyst der ocks. den ocksen vernym | also sets den knoüff an dy brüst den ort dem man | gegen dem gesycht vnd drynge starck zo ym vnd | hewe yn den flogel vnd flücks vß der rechten syten | yn schyll slach vß dem schylyt nach der lincken oüer | bloyß vnd swyndt nach der rechten so müß er ver- | setzen ader wyrt hart geslagenn:-

Item eyn stück heyst der sprech vinster. das vernym | also mach eyn winde vür dem kopf das dyn armen | krützwereß synt so sychstü dar züßen vß was der man | dryben will vnd gayn gare grosse streych dar nach [5v] vß dem sprech vinster dü kanst yn zo beyden syten | slagen lyncks ader rechts:-

Item eyn broch komt vß der sprech vinster. so dyr | eyn man starck zom kopf sleget valle ym mit der | kortzen snyden vür syn clynge stoysz ym syn swert | eweck so entbloyß dü ym syn kopf:-

Item eyn stück heyst der gülden hewe. do alß wol- | stü ym rechst an bynden vnd bynd ym lincks an | slage ym zween ader dry slege nach en andern | nach siner rechten oüer bloyß so yst der gülden | hewe recht:-

Item eyn broch oüer den gülden hewe. Wan dü | süchs das eyner den gülden hewe brüchen wyll | so slage ym mit der kortzen snyden an syn ^{linck} oüer | bloiß was er dan slecht das kanstü versetzen | vnd tryt zo rüch vnd hewe dich mit dem gülden [6r] hewe van dem man durch yn stürtz vnd lechs | dich in das linck vnder leger so bistü widder | gewapent:-

Item ^{eyn} stück heyst der dryangel. den dryangel ver | nym also lech dich in dy rechte weschel vnd schrydt | myt dym rechten voyß vff syn rechte syt vnd stoß | mit der kortzer snyden ym syn swert vff, vnd | springe myt dynem lincken voyß hynder yn so vyn | stü yn bloyß am kopf:-

Item eyn broch vür den dryangel. wan dü sychs | das eyner den dryangel brüchen will so lege yn | den schylyt vnd tryt zo rüch vnd versetz em | myt der gülden versetzynge slage ym nach | der neyster vür bloyß:-

Item das krom anbyndung. dy krom anbyndung vernym [6v] also do wy dü wüls ym recht anbynden vnd byndt | ym myt der langen snyden lincks an vnd zock wy | dü ym wüls rechts anbynden vnd blyüe an der | selüer syten slage yn dy recht oüer bloyß mit der | kortzen snyden swyn nach der lyncken vnd hewe | dich apf myt der gülden hewe des mach er sich | nyt frewen:-

Item wer sycht vff eyns ander hewe der darff syn | konst nyt frewen, hewe oüen apf was dü wylt, sich | kompt keyn wescheler yn den schilt zo kopf zo lybe dy | züch nyt vermide ych sach dyr verware schoen ky_n man | am faren.erschrecks dü gerne keyn fechten nummer erlern.

Es yst keyn besser versetzün_gk dan dy man myt den streyche düyt.

Item eyn swert nemen. das vernym also byndt dem | mann oüen an vnd gryff myt der lyncker hant [7r] vszen vff syn arm mit verkerter hant yn syn gehültz | vnd rüch nach dyr so nymstü ym das swert:-

Item aüer eyn swert nemen. das vernym also do als | wuls du ym starck anbynden vnd valle ym myt dy- | nem gehülts vür syn clynge vnd myt der lincker | hant an syn gehültz rüch starck zo dyr so nymstü ym | das swert vnd steyst ym kampff:-

Item eyn fry stück wy man den man werpfen sall | ym swerdt. das vernym also byndt ym starck oüen | an vnd gryff yn mit dyner lincken hant an syn | rechten elenbogen stoyß ym starck vff an syn gesicht | so wyrff dü yn vff syn rüch:-

Item wan dū eyn man vff den kopf wyls smißenn. | do wy du ym starck wüls anbynden vnd gryff mit | dyner lincker hant züszenn syn gehültz vnd rüch [7v] starck nach dyr so machs dū ym den kopf bloyß:-

Item eyn oüer laüff ym swerdt wy dū eyn man | werffen sals. das vernym also do we dū ym wüls | recht an bynden vnd byndt ym kromß an wynd | myt der kortzen snyden vff syn klyngen gryff mit | dyner lincker hant an dyn clynge lege ym das swert | an den hals vnd tryt mit dynem lincken voyß hyn- | der synen lincken, rüch yn starck nach dir so moyß er vallen:-

Item eyn ~~vnder~~ laüff ym swerdt. das vernym | also do wy dū ym wüls hoch an bynden vnd stoß | myt krutz ym syn gehültz oüer sych, so gryffs | dū yn da mit ader wa dū yn geüaßen machs:-

Item ~~swech vnd sterck~~ vernym also oben ^{by} dem ort | yst dy swech vnd der mytteldeyl der clyngen yst dy | sterck das sülles dū myt der kortzen snyden seer | dryüenn:-

[8r] a Item swech vnd starck kortz vnd langk yst aller | konst eyn anphanck dar vff dicht vast alle konst | halt lengen mayß:-

Item eyn stück heyst der leüe. den vernym also setz | dych yn dy wage vnd mit dynem kopft nyt zo hoych | hewe vß vyer orten ^{myt} stercken so hastü des leüen moyt | vnd byst vür ander zween ym stryt gütt ..

[8v-10r] prázdne.

[10v] Item hy na volgt das Ryngen.

Wan dū wylt ryngen so setz dyn lyb yn de wage | vnd mach güyten bossen er gryff dych neder ader | hoech so kanstü es yme brechen myt desen nach ge- | schrypfen stücken:-

Item vyer swech vnd iiij sterck dy vernym also | an beyden elbogen vnd an beyden kneen da yst der | man swach vnd starck an dem elbogen by den | knüchell.hyn den an dem knee bogen das synt de | swech vnd vür dem knee vnd vür den elbogen das synt dy sterck:-

Item gryfft eyn man zo dyr myt syner rechter hant | na der oüer swech so vmb gryff yme sinen arm | myt der lincker hant vnd myt der rechter hant an | dy vnder swech rüch yn zo dyr so wyrpfs dū yn | hart ader weych:-

[11r] Item des gelychen das linck.gryfft eyner zo dyr | myt der lincker hant na dyner oüer swech so vmb | gryff yn myt der rechter hant synen lincken arm | vnd myt der lincker hant dy vnder swech rüch yn | zo dyr so wyrpfs dū yn we vür:-

Item eyn fry stück vß der kleynner swech.gryfft | dyr eyn man vff dyn ~~rechter~~ lincke achsell so nym | yn mit dyner rechter hant mit der kleynner swech | vnd myt diner lincker hant by der anderen swech | stoës yme syne hant zom büch zo so wyrpfs dū yn | ader der arm moeß brechen:-

Item in allen Ryngen grypf eynen man myt kürtzen fyngern

Item er als dych eyn starck man gegrypfen hayt yn | der myttell swech so vmb grypf ym deine nechste | swech myt dym rechten arm vnd senck dych vnd [11v] grypf myt der anderen hant na de klyner swech | zück den lincken voyß zorück so wyrffs dū yn zo | der erden ader der arm moeß brechen:-

Item sodū myt eynem ryngen salt der starcker ist | dan dū myt eyner hant gryfft er na dyr so gryff | yn mit der ober myttell swech stoeß yn van dyr | vnd gryff yn myt der verkeyrder hant by der linc | ken vnder swech vnd setz ym den elbogen yn dat | hertz küyll rüch yn vnd stoeß yn myt eyn ander:-

Item ryngen vß der Gabelen.stell dych in dy ga- | bell grypft eyn myt der rechter hant zo dyr na | eyner vnder swech so sytz ym dar vff myt der | gabelen vnd rüch yn Zo dyr so moeß er vallen | ader der arm moeß brechen:-

Item des gelycher yst aüch.gryfft er dyr myt der [12r] lincker hant na der vnder swech sytz ym dar vff | myt verkerder ~~hant~~ gabelen rüch yn zo dyr so moeß | her vallen ader der arm moeß brechen:-

Item wer macht syn konst gemessen.vnd dy vn- | üergessen.vnd helt syn swert yn hoyt.der yst | vür ander.iiij.ym streydt güett:-

[12v] prázdna.

[13r] Item hy volget nach dy ritterliche konst ym messer:-

Item dy.v.hewe solstü hewen fry dem man durch | das gesycht vnd der vier bloyß solstü nyt vergeßen:-

den oüer hewe hew van der rechten ascheln.den | ander van der linckenn. tryt vort vnd hewe durch | yn den langen stych lech das messer vff den rüch | vnd tryt vort vnd hewe yn bogell vnd lech das | messer vydder vff den rüch vnd hewe vidder yn | langen stych vnd dobellere hynder vß vnd stich by | beyden voyßen vür yn bogell vnd hewe der lincken | syten vür yn den langen stych.das synt dy vünff | hewe ym messer dy eyn yckelicher recht leren sall | der anders recht vechten wyll:- das do starck:-

Item was dū starck wyls dryben das fecht mit gan | tzem lybe beyde vnder vnd oüen dy zwey dynck drypf | starck das wyll ych loüenn:-

[13v] Item dy veyr leger vernym also. setz dyn lypf ^{vß} vyer | orten yn dy wage Nym das meßer vff dy rechte schül | der vnd setz den lincken voyß vür yn bossen was der | man slecht ader stycht das kanstü ym brechen:-

Item des glychen yst aüch das linck oüerleger | lege das meßer vff dy linck aschel vnd stelle | den recht voyß vür yn boßenn:-

Item das recht vnder leger vernym also stell den | lincken voyß vür yn boßen vnd lech das meßer | vff das rechte beyn den ort dem man gegen das | gesycht so sychstü was er dryben wyll:-

Item des glychen yst aüch das linck vnder leger setz | den knaüff vff das lincke beyn den ort dem man | gegen das gesycht was er sleycht ader stycht das | kanstü ym brechen vnd mach güt bossenn so bystü ge- | wapent vnd dich kan keyn man bloyß vynden:-

[14r] Item hyr nach volget dy vyer bloyß. dy vyer bloyß | vernym also dy oüer bloyß am heüpt dy vnder bloyß | by dem vordern voyß dy rechte bloyß vß wyck an der | hant dy vyerde bloyß ym wyck an der hant.das synt | dy vyer rechte bloyß dar nach eyn ycklyger fechter | slayn sall der anders recht fechten wyll:-

Item wyltū frolych wandern so slach van eyner bloyß | zo der andern so moyß er versetzen ader wyrt geslagen:-

Item eyn güt stück vß dem rechten oüerleger, sleyt | eyn man dyr recht nach dyner rechten oüerbloyß | so versetz ym vß dem bogell vnd dan slach ym na | der vßer bloyß:-

Item eyn stück vß dem lincken oüerleger, sleyt eyn man | na dyr versatzünng dem zorn hewe. so versetz ym myt dem | langen stych vnd slach ym durch das gesycht nach | ynwynicher bloyß:-

[14v] Item eyn stück vß dem rechten vnder leger, stycht der | man den zorn stych zo dyr, stoyß ym abe myt han- | genden ort vnd slach ym nach der nechsten bloyß | eyn streych zween ader dry:-

Item eyn stück vß dem linck.vnder leger.sleyt eyn | man zo dyr so versetz ym myt dem bogell vnd slach | ym nach der nechsten vsenbloyß so moyß er wychen | ader wirt geslagen:-

Item eyn stück heyst der gaßen hewer sychstü eyn | ader zween vür dyr staen so hew fry vß der rechter | syten vnd frysche vff vß der lincken als fry van eym ynden andern so moyßen sy wychen ader verdenn | geslagen:-

Item eyn güt stück wan dü myt eym fechten süß | der nidich yst, brüch den langen stych na sym gesycht | starck ij.iiij ader iiiij mael vnd slach ym nach der [15r] nechster bloyß so hastü yn wy dü selüer wyls:-

Item ^{eyn} stück heyst der verstell voyß den brüch myt syn- | nen wyltü pryß gewynnen:-

Item eyn stück heyst das retlyn brüch den flogell | hawe iiiij mayl an eym stück:-

Item eyn brüch vür den eynhorn als dü sychs | das eyner der eyner den eynhorn brücht so brüch | den flogell hew:-

Item eyn stück vß dem ocksen stoebß den ort dem man | starck gegen das gesycht vnd slach yn mit dem | flogell hew vnder syn rechten ockßen:-

Item eyn stück brüch vür den selüigen flogell hew | so dü sicht den flogell hew brüchen. zück denn | rechten voyß hynder dych vnd slach ym nach der | vßer bloyß:-

Item eyn stück ym plogg. füer den plogg van bey- [15v] den syten vnd süem dych nyt.myt ^{schryden} scheyder vnd ar | beyde ym swynde van eyner bloebß zo der andern:-

Item eyn stück heyst der beoße vß züch bint das | meßer vff dy rechte syt vnd züch vß myt ver- | kerter hant vnd hew na der vßer bloebß:-

Item wy eyn man van scheiden zyn sall. layß | den man eerst vß zehen dan dü. hewet er den | zorn hew zo zück vß ym nach der hant volge | ym nach mit dem gülden hew:-

Item eyn stück vß dem ocksen den ocksen ganck starck | vnd slach zo ym vß dem flogel: ij.streych swynd | an en nander:-

Item wert was dry ployg e^rnt. slach swyn vßer | myt der langen snyden nach dem schedeler. so dryffs | dü yn vß dem ployg. zo dem broch layß dyr nyt | zo gaüg mit dem kopf nyt zo hoyg:-

[16r] Item wyltü konst schaüwen sych linck geen vnd | recht myt hewenn:-

Item eyn stück heyst der dryangell. schryt myt dem | rechten voyß vff syn rechte syt vnd ger ym yn myt | dem ocksen schryt behende myt dem lincken voyß eyn | groyßen schryt hynder yn so slechs dü yn hynder | vff den kopf:-

Item eyn broch v̄er den dryangell. so dū süchs das | eyner den dryangell brüchen wyll.so
zück den rechten | voyß hynder dich vnd hew dich starck van dem man | das yst dyr keyn
schande nach der nechster bloeß:-

Item so dū süchs doppelere oben, so tryt abe das wyll | ych lobenn wyltū dych rechen vnd dy
veyr bloeß küns | telich brechen so doppelere oben:-

Item wan dū v̄erlauffen w̄rß vnd hayst keyn ge- | were.schleyt eyner eyn zorn hew so val
myt dyner [16v] lincker hant ym vmb den arm so machstū ym den | arm brechen vnd nymst
ym das meßer:-

Item stycht eyner zo dyr so val ym dar vff mit der | gapfelen vnd wyndt fluck vff so brychstū
ym den | arm vnd nymst ym das meßer:-

Item eyn ^{fr}stück ym kortzen degen.stycht eyn man zo | dyr mit dem vnder zorn stych so val
ym dar vff | mit der gapfelen.rück yn fry zo dyr so moyß der | degen ader arm brechenn:-

Item aber eyn stück vß dem vnder stych dryff ym | mit vßer hant byde ort setz ym den ort
gegen dy brost | vnd gryff yn mit der lincker hant an das hefft so | moyß er sych selüer
stechenn:-

Item stycht eyner den ōer zorn stych zo dyr so gryff | mit der lincker hant verkeret.by der
kleyner swecht [17r] so brychstū ym den arm ader der degen moyß fallen:-

Item eyn güt stück ōer eynen swynspeyß.stycht eyn | man zo dyr so vnderganck ym myt
hangenden ort | vnd gryff ym myt der lincker hant hynder den | kneuell vnd slach ym mit dem
messer na den | hant.so nymstū ym den speyß:-

[17v-19v] prázdne.

[20r]

a a b c d e f g h h i k k
l l m m n o o p p q r r r s s s s
t t v v x y y z z Z Z W

Q abccd effghyklmnopqrssstüvxyz Z

[20v] Item hy na volget eyn stück ym swynspeyß.

Stant yn bossen vnd kere den kleynnen fynger gegen | den kneypfell vnd de stang gegen den
man sleyt | er ader stycht zo dyr mit dem swynspeyß ader hel- | bartten. so kanstū es yme
brechen:-

Item so er sleyt so brych ym myt der stangen yn | de vßer swecht tryt zo ym myt dem kampff
so | stychstū yn vnd sleys yn :-

Item stycht er zo dyr so brych es ym na der vßer | swech vnd slach ym nach der foder hant so
büyt | ym den kampff so hastū stych vnd streych zom besten :-

[21r] prázdna.

[21v] Item dy iiij anbynd ym stangen.

Bynt ym zo eyrst oben an na dem kopf myt der | rechter hant vnd dar na myt eyne zo tryt myt
| der lincker hant weder zom kopf. slach ym na dem | lincken beynt myt eym zo tryt. vnd dar
na slach | ym na dem rechten beynt myt der lincker hant myt | eynem zo tryt. so synt dy iiij
anbynd gerecht:-

Item eyn stück vß dem ^{rechten} oberen anbyndünck. do wy dū | ym wylt recht anbynden vnd bynd ym lincks an so | sleystū ym dy stangh vff vnd tryt ym zo ym kampf.-

Item güt stück ym anderen oberen anbyndünck. do | als wüls dū ym lincks anbynden vnd bynt ym rechts | an so sleys dū ym dy stangh vff vnd dan vall | yme zo ym kampf :-

Item noch eyn stück ym rechten vnder anbyndünck [22r] do as wüls dū ym recht anbynden vnd bynt ym | lincks an vnd stoebß ym na der vnder bloebß:-

Bystū bedanck

So slach eyne swynde na der hant.

Das stück ist eyne icklichem neyt bekant:-